



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK



Tel: 032 650 022
Fax: 032 650 220
Tel/fax: 032 650 416

www.opcina-tesanj.ba

E: optesanj@bih.net.ba
optenac@bih.net.ba (Općinski
načelnik)
optekab@bih.net.ba (Kabinet)

Datum: 12.09.2011

FEDERACIJA BiH

n/r Potpredsjednik
g-din Svetozar Pudarić

PREDMET: Otvoreno pismo Potpredsjedniku FBiH Svetozaru Pudariću,-

Poštovani g-dine Potpredsjedniče,

u ime građana općine Tešanj i kao Općinski načelnik zahvaljujem Vam na posjeti koju ste upriličili 10. septembra u kasnim popodnevnom i noćnim satima području općine Tešanj. Mi u Tešnju smo naučili ugostiti one koji nam dolaze, i veoma mi je žao da kao Općinski načelnik nisam imao priliku da Vam to pokažem.

U našoj domovini Bosni i Hercegovini postoji često nered u odnosima, jer oni koji nam dolaze sa strane, iz susjednih država, često ne drže do domaćina pa hodaju po dijelovima Bosne i Hercegovine baš kao da ne postoji organizirana zajednica i državna vlast. Mi u Bosni i Hercegovini znamo da država i državna vlast postoje, makar ona radila u otežanim okolnostima. Drugi pak, ne priznaju legitimitet vlasti na federalnom nivou, i stoga je očekivati da ćete upravo Vi i Vaše kolege znati poštovati legalne okvire institucionalne saradnje bez obzira na stranačke pripadnosti i političke razlike.

Poštovani g-dine Pudarić,

iskreno Vas molim da kada dolazite na područje općine Tešanj kao Potpredsjednik FBiH, neka Vaš kabinet takvu posjetu najavi općinskom načelniku koji po Zakonu o lokalnoj samoupravi i Statutu općine predstavlja općinu.

Da je institucionalni red u odnosima poštovan, vjerujem da danas ne bi bilo kuloarskih priča o tome kako ste dolazili kako biste otežavali unutrašnjim odnosima u općini Tešanj.

U Vašim intervjuima i brojnim posjetama općinama sam vidio sasvim drugačije poruke, stoga želim da vjerujem da je ovo bila greška iz koje ćete izvući pouku, i uskladiti ponašanje sa ranijim porukama. Stoga Vas pozivam da nam pomognete Vašim autoritetom i Vašom pozicijom da riješimo pitanje raskrsnice Jelah, kao i pitanje priključnih traka na magistralnom putu M4 i M17 koji prolaze kroz općinu Tešanj, a Direkcija cesta Federacije BiH na tome do danas nije ništa uradila.

S poštovanjem.

DOSTAVLJENO:

1. Naslovu
2. Medijima
3. a/a

OPĆINSKI NAČELNIK
Tešanj
FUAD Šišić, dipl. ing. maš.